

杭縣志稿

第十七册

市仲遜題



杭縣志稿

卷二十二

藝文三

明黃鶴山重建永慶寺記 萬曆中 錢謙益撰

杭州府治之東北六十里有山曰黃鶴高百餘丈與皋亭山離立而俗呼為皋亭之黃鶴峯以兩山皆從天目蜿蜒東來嶧而非屬故也山之陰有佛日寺宗明教嵩禪師卓錫之所安隱一濠慎公謀於祭酒馮公夢禎圖興復之不果乃得永慶寺故址於山之陽永慶寺者唐清泰二年創自吳越名湧泉院宋建炎中重建賜名額其後以元兵毀而慎公行求得之遂以興復為己任里人郎珮鄭鶴買地構禪堂五間僧

如良、廣德、廣斌等，袞衣蓋之，美建佛殿五間，而真寂院間谷印公以雲棲大弟子，教揚別傳之指，慎公敦請蒞焉，不起於座，而道風演迤，縑素全集，慎公厭世而去，其徒遵遺命，以院為十方，不用甲乙次相授，請一江湘公主之，而大麓等力為攸助，於是彌勒前殿、兩廡、僧寮、次第告成，印公與慧文、製公相繼經畫，寺之軌範始定，禪堂以棲衆，縛禪佛殿以結侶，念佛限以崇墉，繚以修廊，佛聲浩浩，則樂邦湧現，禪版蕭然，列祖燈輝映，雖五山十刹，號選佛之場者，其清嚴精進，未有逾此者也。王子宇春與諸上人共襄斯舉，歸

而述其意。徵余文以記之。嗟乎。禪與淨土。開遮歷然。唯以一事攷諸近代。楚石禪門尊宿也。而有西齋淨土之詠。雲棲念佛導師也。而有闡闡策進之編。未嘗不水乳相合也。世之學者。妄生分別。或相為鬥詆。或曲為調人。悵悵然莫知所適。從久矣。印公有憂之。既唱單提之宗。而復顯雙修之範。以其締構言之。前殿後堂。現矩重疊。出自一門。示門庭之不可離而一也。周垣夾廊。鐘魚交互。邈不相及。示旅途之不可混而一也。借事以顯理。因權而著實。亦可謂深切著明也矣。寺之事甫竣。印公飄然遠去。使人想見其高風于

屬山湧泉之間。而濂公湘公宿德歸然。後先担荷者。皆末法中所希有者。余故樂為之記。詳其興復之因。庶來者得以攷焉。若夫印公輩行願機緣。默相感召。盡未來際。必有龍泉蹴踏相繼。為人天眼目者。固不係乎樓閣之成壞。而亦非區區締文字可得而記也。寺今名龍居庵。亦曰永慶禪院。予從其舊。稱永慶寺云。

明大蘇林碑記

西溪梵隱志 吳本泰撰 崇禎九年

出武林北郭外。帶水演迤一葦可航。折而西入古蕩。為西谿。谿環列秦亭。法華諸山。其蒹葭深處。陂池滙

流叢薄翳映者為河渚渚無名蓋巨剎禪樓三五似
龜巢蓮葉其最幽邃蔚秀者為大蘇林大蘇林者法
雨禪師手創草庵也予棲寓河渚支筇訪道始識師
於林間師幼習儒典響慕空宗二十四父疾籲禱誓
修白業以畢幼報偶之龍歸塢見師誦蓮經其一為
日初上座遂投禮決志出家哀控母氏三辭而後許
遂往參南海大智師薙髮還雲棲受沙弥戒得古趙
山寺基斥土鳩工躬自拮据不絲營勞賴季弟昭及
法嗣含虛殫厥資力襄之落成瘦梅老竹扶疏四布
中堂供昆盧尊像後奉安養尊師左小閣供地藏併

法俗諸冥位。下即香積齋堂。右靜室。西南石甃鐘乳泉。一泓甘冽。直面懺堂。右一小室。祠本宗先人。西為普同塔。塔北可數十丈。為母塋。有終身廬。墓意。又東南小樓。為參閱之所。其入徑。編籬曲折。繚以花闌。龕奉天醫。緣師寇傷。時感神祐也。而大蘇林石茂苑。劉大參錫玄所題。蓋以南嶽慧思擬師云。師土木形骸。蝸居寂默。化導之廣。遠遶南嶽。然其精心苦行。彷彿似之。嶽奉三聚戒。布袍艾袖。日唯一食。師亦持律霜嚴。服用麤樸。齋不過午。嶽誦法華等經。滿千遍。修般若念佛三昧。方等懺。法師亦日誦大乘諸典。六時懺。

禮大悲。嶽障緣病起。深悟業因。顛倒想滅。輕安如故。師亦病創。感神警悟。得瘥。嶽以夏滿未證。深懷慚愧。放身倚壁。豁爾開悟。師亦閉關。結制痛自。錐劄佛光。灌頂證得三昧。於是叢林稱曰法雨師。今之思大和尚也。和尚初住大蘇林。旋移錫衡陽。闡化曰。吾寄此山。必事遠游。師則裹足雲卧者垂五十年。直以此為常住。阿蘭若矣。考志。庵址故吳越王將臺。噫嘻。昔也。猊貅千隊。今也。香燈一龕。昔也。鉦鼓旌旗。今也。鐘魚瓢錫焉。知此後不更為戰鬥之場。歌舞之苑乎。不更為狐狼蛇虺之所窟宅。露葵野葛之所縈蔓乎。廢興

穀轉成壞。刹那師一切作幻泡觀。又何介介於一菴也。乃大禪嗣法得智者大師。炳然台宗。遂弘傳震旦。師不蓄徒衆。含虛尋亦化去。祇度猶子九牧。九牧曾參有德大師。博通教乘。辯才穎發。鷲王擇乳。師子嘖呻。自茲燈傳不斷。師胤具大昌乎。大蘇永永。與南嶽並峙已。師郡中劉氏子。諱海雲。法雨其字。父庭。母廖弟昭。法名智琳。弟之子成鼎。即九牧菴經始於天啟五年秋七月。竣工於崇禎九年冬十一月。

明佛日寺金臺大師記 唐世濟撰

吾湖法社不一。而夾山則湖之廬山也。山以水名山。

水以精藍名。在精藍者蓋代有人也。余與表益大司
寇沈公何山。得金師以繼石機。兩俱雲棲嗣也。金師
幼而敏穎。嘗讀堂譚道。尋繹微言。往與禪觀通。因決
志禪學。一切世緣棄去。從蓮池游。教典悉曉暢。言下
迎刃。不啻灑陽一笑。以故蓮池最器之。其後雖負笈
從紹覺。然其名視覺道上。學人嘗稱一兆夢於雲棲。
再兆夢於蓮居。因月亭之後身也。迨夾山稍稍竟業。
過皋亭山。佛日為之止錫。曰。有是哉。沃蕩迴薄。當大
千而具乎。佛日舊為錢塘勝刹。自唐本空以宿悟得
雲居。實為開山之祖。厥後傳有燈明。教天衣十餘人。

相繼而興，尋亦中落。金師以道緣振起一時，輝奕為諸方望，固不自居也。以願力還願力，以因緣還因緣，以法還法，以山還山。老人何有哉！既為佛日昌大，聞鷲峰頂養庵大開講壇於江左，瓢笠而前，悉得雲棲之傳。所垂句語，殺答曰：有者皆有，無者皆無。迄今為學人指點，以至海塘拆毀，三郡受災，為之持願而止。狂瀾蓋願滿於持，其間徇肌膚者不端，固人定勝天也。又不自居也。甚而江淮猛獸北土豚雞，竊以焉知目無海鷗，何有山君為民害乎？爰間屏迹北渡山，之民以道法師攝伏，夷然謝之，又不自居。為噉為昧，兩

不自居。余蓋審金師之持者願也。故所至藤蒲花水。俱清涼境界。或以願滿為畸觀。人天莊嚴。有不可思議。不知其唯吾願也。絕不使人天界中作畸觀也。余與沈表蓋夾山緣起如此。猶夫山水以精蘊名也。山水何心哉。賜進士第。資德大夫。正治上卿。都察院掌院事。左都御史。兵部左侍郎。巡撫南贛提督軍務。右僉都御史。大理寺左寺丞。巡撫淮陽。漕運。理河。巡視京營。掌河南道監察御史。經筵侍臣。唐世濟撰。

張大昌曰。金臺名大輪。本儒家子。見順治十三年。河北張縉彥所撰金臺大師銘。石刻。惟所云海塘。

信宿而別。嗣跋歷京師十許年。猶時入夢中。午未之
歲。師荷笠北參臺山。訪余邸舍。班坐茗話云。秋雪已
稍稍增葺。蔚成叢林矣。刪蕝填坎植樹。偃流構楹。庀
材陶甃繕完。前龕善門。中懺堂。左右為齋廡。為賓寮。
庀福具備。上為樓。貯方冊藏經。傍列普度親位。董宗
伯榜曰。彈指樓。開四圍圍以蔬茹。奠以蒼菊。梵唄鐘
魚響出林杪。見聞隨喜者。咸曰。此古資壽巖禪師刹。
不圖今日盛儀重觀也。語次。余飄然神往。比余踉蹌
歸。自白門。復棹小舫。問渡菴中。方禮圓通懺師。迎面
喜曰。公今日再登圓修堂。恍如昨夢矣。余放杖小參。

已乃徜徉四眺時兼葭方茁白露未霜湖水澄漲彌
增浩淼之致師為余言此清冷池已舉錢大史隨社
月集放生活魚蛤亡算余為繫教之思今茲陽九遘
災真旦罹厄兵燹匝地荆棘橫生蘊隆燼燼所在焦
灼而此庵在水一方萬山環嶂百川匯壑熱惱劫中
獨留此清涼國界且阿師道風蔚跂緇素皈仰法筵
社集莊嚴具足以余所覩澄清者即八功德水紛湧
者即天曼陀羅軒峙者即寶網樓閣疏列者即欄楯
行廚游泳者即兜率十千翔鳴者即迦陵共命繩林
錫鉢宴坐經行者即阿鞞跋致諸上善人輪蹄無聲

烽火不驚。寂光清泰。宛爾現前。令余得卜築一椽。咫尺過從。將皆素心蓮侶。修廬山般若臺故事。嗣興流水天台諸度生法。何難屣脫塵埃。師合十言。願居士無忘斯盟。蓋記諸。按咸淳志。宗潼軍節度使。為巖禪建文室於西溪。曰資壽院。茲其故址云。第廢垂四百年。檀信沈應科。應潮。嗣有倫。有德。沈鶴齡等。開葺經始。施為僧園。於是道宗一師。澄之。洪師遂挂錫焉。相與節衣縮食。拮据茨塹。載離寒暑。克成精藍矣。約糜中金五伯。有奇。鋒資檀施。半之。其執勞營役。以竣厥功者。法胤。梵圖。成璧也。遠近趨風者。皆樂稱道宗。

秋雪主人故秋雪菴名獨著。余諾師請，遂記其事。勒之堅石。時歲在丙戌孟秋既望。

清溥濟禪院碑記

唐棲志即三元宮。康熙二十三年周之麟撰。張聖濟書。任辰旦篆額。

吳越為江南福地。方錢武肅時，永明壽禪師專弘淨土法門，兼行放生，著宗鏡錄，表笈一時。今七八百年餘，風猶在於棲水。溥濟禪院，猶及瓦之。棲水屬武林西北偏，與苕霅兩區接壤。烟火萬家，勤稼穡，習詩書，富民頗善居積，而浮圖梵刹，鐘磬相聞，不失。康僧始來，亦為道意。溥濟其最勝者也。先時故明天啟間，然明上人繇福田寺飛錫此庵，實為經始。歌咏梵唄，嚴

淨毘尼士女嚮風群善歸往。繼有上首德宏善述淨業。再傳為敎宗。用宗兩禪宿。自敦行六度外。兼通口誥。比諸僧祐之普通。道宣之表龍朔。每歲時放生。則游魚潛藻。飛鳥翔空。庶幾萬物一體之盛。六時連漏。接踵高賢。開菴菴于中流。見瓊珂之寶樹。聞者趨之。余嘗閱梵典。知歷劫以來。佛道長遠。弥陀為君。釋迦為臣。弥陀為父。釋迦為子。是以能御世尊。尚西方。用度迷津。往生淨域。此方世界。歷成佳壤。空從人壽八萬四千歲。始為一劫。於彼極樂國中。纔一晝夜。淨土之妙。何如者哉。如來往昔名流水長者子放生。故俾

游魚十千盡得成佛。樂音樹下。金口親宣。修福放生。言重辭複。顏真卿行化於唐。蘇子瞻繼美於宋。職有繇耳。溥濟數畝之宮。莊嚴像設。言淨土則不愧遠公。言放生則居然智者。魚魚雅雅。優哉游哉。三代禮樂。何以踰此。迦維創教。厥有遺文。云法行震旦者。以二千年為準。竊恐後之視今。未如今之視昔。願從此日。盡未來。繼任此庵者。以竹林清舍為道場。依具羅樹為草座。群羊跪聽。斥鷃來巢。把臂宗雷。相逢陶謝。庶不負徽宗用宗兩禪宿者。畢生構建也。地若干畝。某字某號。池塘若干畝。某字某號。檀越某人。例應並載。

以傳後來不揣固陋謹述大畧樹茲豐碑記茲勝事

康熙二十三年甲子春王正月吉旦賜進士出身通

議大夫詹事府少詹事兼翰林院侍講學士加一級

前翰林院侍讀學士侍講學士纂修實錄侍讀侍講

乙卯順天武闈正主考官國子監司業庚戌纂修玉牒

考經行義國史編修辛丑會試同考官翰林院庶吉

士湘溪周之麟拜撰賜進士出身文林郎工部給事

中甲子奉命典試湖廣正主考官江南上海縣知縣

本省同考湘溪任辰旦篆額里人因勉學者張聖濟

謹書

明重修奉真觀記

唐樓志萬曆九年卓明卿撰
胡心得書沈修篆額

夫馮依有道乎神馮石而能言龍馮雲而變化白鶴

太乙馮華遶摩慧可馮嵩岱顛則碧霞元君馮也得

其馮而神斯神人神之不神能自神哉若尔神之馮

亦大矣北極佑聖真君厥靈固彰赫尔我成祖太宗

文皇帝躬禹儉而佑玄玄則有武當之宮世宗肅皇

帝繼志修禋左宮于白岳茅山輝煌金碧宇宙映照

為崇奉所神惟保障寰瀛奔走焚祝威神是馮亦勢

也唐樓為杭之巨鎮山自天目逶迤而皋亭黃鶴水

滌苔源瀆紆江匯而五林樓溪鎮南陸舊有奉真道

院國初天師張某過而題曰顯教院蓋年久就圯弘
治中父老丁益澤余王大父澄道士施孟暹輩謀舍
廢而起謂神居去前溪稍遠而陽弗燥淪塵弗潔瞻
禮周浹度將易置焉以費繁中輟比道士許日清真
人府知事俞大彰甥也玄終于斯有年復從二三父
老議申之令署別駕王公割院餘地易緡於徐氏鼎
新之佐厥成者咸至傾囊指困庀材鳩工凡三月竣
事蓋曰請率徒躬畚築殫精力落成迺速王樞寘前
玉虛奠後繪垣翼廡地既寂闌宇復麗爽闌闌誼隔
溪山秀挹神其得所馮依云夫玄冥為八天增彩而

玄符宣靈囊藥潛施而三師績著。覩將霧雲中飄真
香下界。彰赫爾矣。矧祝融殲虐。旱魃為殃。罔不精白
首禋心齋。露禱反風。興雲格應。一鎮莊嚴。萬戶虔祝
者哉。閱五禩。俶克樹碑。父老請余庸紀歲月。萬曆九
年三月望。光祿寺監事卓明卿謹著。

唐贈禮部尚書褚公神道碑 乾隆府志 蘇頌撰

昔軒轅至孔丘師止十一名之聖者。今天下尊皇帝。
學踰三五。教之神者。既學且師。考令猶昔。竊道從事。
伊褚公焉。公諱無量。字弘度。其先邑河南之陽翟。十
一代祖盛。後漢海鹽長子孫。因居。遂為吳郡海鹽人。

也。五代在陽。齊民部尚書駙馬都尉嗣錢。唐侯高祖
遼民梁。鄆陽王。自常侍。曾祖仁弘。陳始興王。法曹參
軍。暨陽令。祖範。隋。豫章郡丞。父義宗。皇贈使持節和
州刺史。自微子封宗。以迄于恭。恭裔食褚。因而得姓。
迺侯迺戚。或吏或儒。粵不可量。己。豈岳鎮天峻。是先
人之郡國。將湖清世平。當天子之門館。靈其效矣。公
實休哉。上哲鐘懿。元和育粹。忠乎孝乎。盡至於至。寬
得衆易有親。晦而明微。而闡其立行也。絲白不染。不
成黼黻。砥礪不礪。不就純鈎。寢思益居待問。功可倍
諭可博。其立言也。始吳興沈子山。吳郡曹福。授以經。

次吳郡張嘉會授之史。演至蹟平牴牾。研至精。起廢疾。貫心則中。達革其餘。師乃厭服。爾為宗匠。逮攝齊膠序。揚袂河洛。罔不企獨立以先赴。聆遠音而響從。猶彫材之有梗杵。絳翼之有鷓鳳。下制嘉辟。用起辟等。即拜成均直講。轉右鷹揚倉曹參軍。直講如故。稍遷成均助教。累至國子博士。朝散大夫。國子司業。崇文館學士。常二仲齊祀會。一時髦彥。主賓難析。羣疑應不敢夸官闕。單不能曜旗鼓。太夫人在東也。庭闈。是恩鍾釜不遺。遂罷而就養。我聖后居震也。司過。惟史聰聰則書。復徵以侍讀。及回金輅。問辟雍。搖柄前。

席有丞有祝。警羣奔以坻頽。辯連屬而河瀾。是日中賜章綬。并時服雜繒。就拜銀青光祿大夫。以昭其業。上正位。遷刻王傅。國子祭酒。轉左騎常侍。特封舒國公。實食二百戶。公雖傳天人。司國子。然而載啟載沃。百氏之言。滿中禁日。尊日事。五更之禮。存上庠。故珥貂寵而刑馬誓也。尋與中書令范陽張說。侍郎武功蘇頲。黃門郎趙郡李乂等。開講序於掖垣。悉上其昌言嘉謨。可體要經遠者。京都之政。起自軒墀。齊魯之風。成於寓縣。公以遭盛明而華皓不息。迺作帝師。懷喜懼而斑爛未旋。孰為人子。洒零獻替。于再于三。重

論思而久駐。修切至而方遣。臨軒贈詩。盈篋將意。華
晨省而備晝游。馬居無何。太夫人即世。公禮不當毀
號而殆滅。遂于塋兆之側。伏苦塊。峙松楸。鹿常犯之。
公祝乃止。應物也。通神也。有如是乎。喪既除。驛徽至。
仍舊左常侍兼侍讀。登朝則老成布武。自屏不趨。侍
講則官者平肩。必輿而進。皆別旨之非常也。上復以
舊章敬落。群籍湮墜。張購令据逸文。補其缺。刪其謬。
敕公於都乾元殿。麗正殿。總而成之。上帝之璧。先王
之府。委墳素流。筆墨可滌。元覽而照青光。日者。皇
太子志於學。蓋於胄。演經則太師憑几。納誨則元良

降席諭夫錯中刑外一物三善者禮如前粵開元庚申歲正月苑生魄景命不造邁疾薨於長安崇仁里之賜第春秋七十有五上輟朝不視旅次而哭遣中使潺湲以恤故盼近臣歔歔以追往乃贈禮部尚書賻物四百段米粟四百石小宗伯陳祭儀亞京尹護喪事歸則本州刺史帥屬厚加馬僉請公進以秉德動而率禮自石渠延首金華造膝時屬升賢良杜讒佞雖明慮天斷匪獨開陳亦謹辭日間寧虛聽受若藏罟者論無藝出表者思有惠使輕革之說傲嬰也之譏又安能是果良圖中比則隱之徽章之末所撰儲

君翼善二十篇帝王要覽二十二卷帝王紀錄二卷
心鏡三十篇刪正論語孝經疏各一部每條上則留
中錫之孔殷盈不可數大抵以義約以文見俾興亡
有兆消息無傾規乎諷乎類手指乎行之則是聞足
自戒不以何以皇賚之聖叶之至於斯也化益淳儒
益信則郊廟有典賓軍有容茲禘牲玉斟酌犧象必
咨焉度焉此又衆之難公之易爰後群學士於書殿
中得講史記至言十二卷即日聞之上悼甚重賜其
家絹五百匹試為我著常奏新篇從取其書竟賚遺
草悲夫粵某年仲冬甲子歸祔于錢唐臨平山之舊

城容軒止塗喪服會葬者數百顧而歎曰公何學也
何師也則我副君惟君是登皇極天子之子是作孟
侯皆受于公矣董則五朝典學無同道之用桓則三
世各師有特殊之美曾不可援以事舉諸凡卓哉使
後之人泛微波攀絕迹者我公也太常易名曰文宜
也長子河南澠池主簿廷詢次左拾遺庭誨次京兆
渭南縣尉庭賓三子之戚戚連所善居家嗣徽總世
承烈則仲弓之有元及季伯起之傳秉及賜故遠通
嘉之吳江漫兮將海合吳岫重兮與天沓公是屬兮
公是安仁則返兮儉乃完異樹行兮生也志他石篆

兮子也刊噫不怒歟寄之銘曰

昭昭府君生代叶期儒有斯文帝王者師探幽典墳
贊道雍熙其德弥芬其纂益祇訓由老成榮以恩屢
考友是悅資忠是務禹嘗獻著光不言樹尊緒之學
啟舒之賦六經芳兮七命章戴頻頻兮朕煌煌無還
齡兮有去光未飾杖兮歛擁梁宸極懷兮門人慕悲
風起兮轅馬顧背西畦兮即東路路阻修兮日悠悠
旌旒思兮空山秋吾見業可久而名不朽者猗那諸
侯猗那諸侯

吳越民部尚書吳公約神道碑

杭州府志在臨平羅隱撰

吳越吳公約神道碑銘 羅隱撰

吳山蒼蒼吳水泱泱降生英靈為公為王以嚴師旅以奠封疆冰而別者武亦鷹揚取直之功捍業之蹟雖從本軍實展良畫踐履禁旅光揚事迹乃自西佳遷於硤石上軍東伐諸將西征賈以餘勇資乃銳兵稽山霧廓京口波清再從貂冕始拜冬卿吳會紛紜淮石奔競驅其凍餒犯我疆境躬勵精卒恭奉上命雪際松貞風中草勁元戎承制聖王酬勞大起名重司元望高優游澹澤出入官曹所謂難者全資豹韜

卷之三十一
恭仰府城載崇吾國。惟力是助。厥功以舉。雲壘千椽。土攢萬杵。率以資產。役以軍旅。乃頌異寵。乃正華資。大國綱紀。雄藩羽儀。沐間牛門。杯裏蛇疑。天胡可測。神亦難知。有碑於時。有功於物。一代殊勲。二品清秩。不謂不達。何獲何失。瑞馬神羊。金箱玉室。

十國春秋吳公約字處仁黃巢之亂杭州八都既建已而析號十三都公約其一也初負膽略為縣豪會朱直起兵應募西討以功署西挂鎮過使未幾從董昌禦黃巢於西鄙加御史中丞奏置都額改硤石為訓兵之所推鋒破銳日有聲稱武肅王

破越州公約驍果先登兵罷拜千衛將軍劉浩平
錄功擢散騎常侍徐約臨蘇州王委公約專征授
北面諸軍行營招討使克蘇州授義和鎮遏使兼
本軍水陸都游奕使淮人侵擾公約扞禦疆域屢
挫敵鋒遷工部尚書俄改刑戶二部乾寧四年卒
宋詹易縣太君吳氏墓志

定鄉小識政和六年四月薛昂撰強開明正書六
百八十三字清道光中定南鄉桑邨民鉏地得之
少宰劉正夫墓碑

仁和縣志在皋亭山

明大理寺卿夏時正神道碑

乾隆府志在三峯山弘治十四年楊守陞撰

明刑部尚書洪鐘墓表

武林文獻在東穆塢蓮花山陳珂撰顧鼎書董玘

篆額嘉靖二年

明贈御史丁寧墓表

唐樓志在馬鞍山

明贈御史丁寧墓表

子丁寧撰

嗚呼我先考御史府君卒五十有四年先妣太孺人卒二十有四年矣未有表諸墓者不肖孤辛獨為未

亡人何顏以立于天地間耶。惟我先府君以宣德乙卯贅為里之王司訓壻。王故邑之博陸人。先贅為里之唐氏壻。唐無子。實生太孺人。明年丙辰。王卒。側室子世昌年四歲。女旃檀年三歲。而唐王二家長老皆外族所當事者。時王頗任俠。唐亦以財雄于鄉。率環視府君所為。以為向背。府君接之禮恭而色莊。行篤而誠。至二氏人。莫敢加焉。正統間。世昌年漸長。府君為聘旃檀。亦許嫁姚氏。太孺人謂府君曰。吾父母既不祿。二雛者幸皆有成立。吾儕可無愧矣。然毋使鄉之人議吾儕。以為不如其父母在也。府君曰。是吾志。

也。故婚嫁禮有加焉。天順間，世昌欲異居，慮府君有所軒輊，將言之。官府君迎之，謂曰：「無以為也。」凡皆唐氏故物。然惟汝所欲耳。於是田廬取其瘠敗者，器物取其粗窳者，而美且腴者，則推以與之。先是，府君甫出贅，大父樂善府君即捐世。至是，惟大母唐孺人在堂。府君旦暮往問安，無虛日。間謂太孺人曰：「今世俗子出贅，即歸重於外氏，而於本宗之親，生不養，歿不祭，甚無謂也。於是凡遇歲時祭祀，太孺人必前夕潔為之牲，質明，府君先以其一祭於外氏，然後以其一歸祭於家。曰：『吾將以詔鄉人之為贅壻者也。』始鄉人

未知教子。率為孟浪。府君首延名師於家塾。命不肖孤等各占一經。而於四方游學之士。凡能通一藝者。率款留至賓館。無虛席。太孺人亦左右供饋。務以求當府君之意。府君曰。吾將以詔鄉人之為人父者也。成化戊子。不肖孤得與鄉試。至辛卯再往。輒不偶。而府君已屬疾矣。又明年癸巳。卒於溪南之舊第。享年六十有三。越四年。成化丁酉。不肖孤忝鄉薦。又十年。丁未。始第進士。明年以使事歸。拜太孺人於堂。太孺人泣曰。恨不令而父得見汝今日也。既而不肖孤選行人。遷御史。蒙差按貴陽。又再按南畿。皆得歸拜太

孺人太孺人年七十有九。是為弘治丁巳。不肖孤三年考滿。蒙朝廷推恩。封贈父母。於是太孺人乃身服冠翟。府君焚教黃於隴上。太孺人又泣曰。恨不與而父得同拜君貺也。又四年。不肖孤遷福建按察副使。越明年癸亥。太孺人卒於溪南新第。後府君三十有一年。享年八十有五。先是。成化丙申。府君卜葬於超山之陰。逾十有一年。丁未。改遷於馬鞍山之西。至是不肖孤奔走來歸。偕伯仲氏奉太孺人窆。事合窆于府君之右。太孺人配府君。生伯兄養蒙。仲兄養正。季弟養晦。養素。暨不肖孤。子男凡五人。女四人。皆在室。

家不肖孤痛惟我府君與我太孺人勤劬教子勞瘁
萬狀而孤乃不能蚤自淬礪以卓立於二親具慶之
日以永負於罔極之恩惟太孺人僅一見之又以縻
於祿仕不能親侍湯藥以領屬纊之訓孤之罪天下
其孰能說之嗚呼九原不可作矣然而純德懿行昭
耀灼灼著人耳目固不得家前而戶曉也至其大節
謹於交際廉於取受篤於彝倫明於教化本之一家
而可以推之一國行之一時而可以垂之萬世近不
出庸言庸行之常而遠可以極於天下化成之妙有
非恒衆人之所能企及者也不肖孤敢不圖其所有

不朽謹用濡淚特書刻石墓道以昭來裔云

明太學生丁之喬墓志

中華民國二十一年八月鄉民耕田得之嘉靖三十一年壬子江晚撰文徽明書并篆蓋在超山乾元觀

明太學生松坡丁公墓志篆書

明太學生松坡丁公墓志銘

嘉靖丁未十月一日松坡丁公卒厥子鄉進士以彬圖維襄事口持職方方子禹績所述狀徵銘余展而誦之曰世德者若人篤行者若人固宜銘且厥考西

軒公實先考文昭公贊友。別厥子與余弟祠部。再締姻好。又與予子圻年誼彌腆。其何弗銘。按狀公諱之喬。字喬年。松坡其別號也。世居仁和廉德鄉。後遷漳溪。曾祖祥。隱德弗耀。祖寧。封河南道監察御史。父養浩。號西軒。成化丁未進士。歷監察御史。至雲南左布政使。祖母王。母唐。俱封孺人。公生而質弱。厥母恒葆持之。厥父服官。公隨母侍祖母家居。既冠。授室。綜理家政。雖業于庠。弗獲專志。遂應例為太學生。引恬引晦。不求仕進。處豐裕。服食恒如寒士。躬督稼穡。計泉穀。應公賦。急守規緒。肆產日增。貲日積。遂甲於茲邑。

事母生養沒哀並循禮過生辰輒感傷力辭觴慶厥
父歷任閩廣蜀滇公恒以弗獲侍養為歉每專任省
間必齋宿恪緘越謝口歸日侍左右承顏燕賓或至
夜分無敢假寐且率父志豫卜超山以為壽藏越沒
哀毀襄事復鏤木石像事之如生又開河道以達墓
域別巖穴以章墓道楹曰永思亭曰陟岵以識不忘
公鮮兄弟惟一姊歸沈口口乏嗣乃迎于家祗事弗
懈時以孝友稱嘗慕范文正公義田圖惟式之以主
者非人而止乃建祠堂置口口口宗務主之每祭撤
而餼以無忝祖宗為戒其悖宗自迨及遠凡存贍致

寔暨婚嫁咸有攸資且置義塾□□宗弟子云有義
田之遺意焉念祖母黨弗克嗣守先業則捐金購復
厥塋而飾之俾時祀不替念母□□□禮疎則更與
締婚俾後罔遐遺時以睦婣稱平居言若不出口至
扶翊彙倫暨暨忘倦且論人臧否□□□得辯而不
激應變揆物曲中機宜由是義孚于鄉厥有忿爭而
質者以義斷之罔不心服矧積而能散濟人利物恒
若不及嘉靖甲子歲大祲縣令勸賑公肇發米四百
斛驗口分給民賴以濟且施藥施棺□□□疾與
斃者咸賴之修葺橋道暨運河堤而凡行旅罔不賴

之其諸逋負。歛則弛其息。甚則折其券。田雖口豐。檢未嘗責其全。時以任恤。稱閭門雍睦。對厥儂相敬。若賓。迪厥子及孫。以盈滿為戒。曰名以德成。道以功裕。蓋兢業持守。以為克家之本。賊獲數百指。咸有執業。其偷惰弗率者。亟黜之。罔貸。嘗建屋於東園隙地。口口口戒勿啟。亟呼地主昇之。人有譽者。謙而莫敢居。晚年讀道德經。惟清靜是尚。以家政昇厥子。綜理。聞口口口口。猶徜徉其間。吟咏以自適。悠然有遺世之意。丙午。子以彬賓于南畿。公聞而口口曰。曹其克綬武。口口無憂矣。方穉。屈期頤。綏純嘏。胡遘疾而遽就木焉。

時乃罔不盡傷。厥生于成化壬寅五月二十三日。年六十有六。配吳氏。莊靜宜家。恪勤主饋。先卒。子男一。即以彬。女六。長適太學生沈三省。次江西袁州府推官陳□方。次太學生徐一鳴。次太學生吳同憲。次唐時泰。次沈照。孫男一。守臣。太學生。孫女六。長適吳大參。□□。次則予弟祠部子太學官生埏。未幾歸寧而卒。次即續之。次適李參將子懌。次字俞。經憲子□卒。次字□。司空子光畿。曾孫男二。女一。尚幼。惟公孝友睦。姍任恤。而本之以慤厚。加之以勤儉。終之以靜逸。且教子以義方。非賢而能之手。雖未服官政。而行

于家族于族及于鄉允有可稱者矧厥子以登鄉薦
行將揚廷躋仕誕膺恩命以貢九泉其永有譽哉筮
以壬子三月□□日辰時窆于馬鞍山之原肆叙而
銘之以慰孝思禮也銘曰奕奕世族遙駿厥慶顯顯
岳伯休有烈光□□篤生式績令緒以引以翼益豐
德裕且以敦行且以恣為靡驕靡侈家政允釐迺積
迺施率義不爽以□宗姻以洽閭黨允矣善士展也
□□無日不顯子孫振振惟子式賓惟孫式轍遐不
永年以綏第祿終□□□厥封若堂遙昭潛懿式是

鄉邦

賜進士出身前通議大夫工部右侍郎奉口口提督
工程養生瑞石江曉撰

前翰林院待詔將仕佐郎兼修國史長洲文徵明書
并篆蓋

姑蘇章簡甫刻

明廣西布政使許應元墓志

武林訪碑錄在青龍山隆慶丁卯侯一元撰卽撰
書張潮篆額

明副都御史陳抑庵墓表

武林文獻王世貞撰沈瑞臨篆額江鐸書萬曆九

木鼎 二
年 在 荆 山

明新喻主簿郁一元及孺人張氏墓表

武林文獻萬曆四十三年張瀚撰在皋亭山

明張烈婦佩蘭碑銘

唐樓志卓人月撰

宋松源禪師塔銘

武陵文獻在北高峰嘉泰二年陸游撰

明金宗禪師涅槃碑

唐樓志萬曆二年邵亨夫撰

明馮夢楨東暉禪師塔記見西谿梵隱志

禪師號東暉。諱明曉。仁和孫氏胤也。髫年孤撫於叔
氏。洎壯從叔屠豕。年二十。忽聞果報之論。遂誓不願
為。啟叔氏。且願出家。不可。師涕泣懇之。已而許。決於
筮。乃成師志。桃源嶺有蜀僧圓澄。尸居草庵。夢神告
以佳子弟當至。明旦師果至。而報焉。手為剃落。授毘
尼。與警策。日執役。夜力參寒暑。靡間。值有省發。乃訪
知識。留枯蒼牛鼻洞。久之。緇素嚮風者籍籍。亡何。澄
公遷謝。師歸以嗣。後應金氏良臣請。築圓通庵。倡道
其中。五十人。真誠感向。無善不興。張尚書元洲公。延
建靈隱大殿。工竣歸。問居三表。葛以萬曆己丑仲冬。

三日無疾而化。年七十有六。僧臘五十二。

釋真一自製塔銘

余家無山水之鄉。性有山水之趣耳。醉西湖之名。星
赴之。未見湖。病七日。幾死。曰。寧扶我死湖中。無庸棺
也。纔見湖。病幾去半。入湖數武。頓忘其病。并忘其身。
如熱病人食宣州梨。忽身心快然。嗣後往還三十餘
年。不厭余家貧。不曾讀書。聞人誦文字。便知好醜。如
重睡人聞聲即醒。入講席。多棄去。讀禪宗書。多喜。余
生於窮鄉。未嘗與縉紳先生交。過縉紳。雖不藝之。亦
不作謫曲酸澁狀。與之談。少逢迎之語。反多契余。甚

輕金喜作有為事。於事不甚諳。不諳多舛。亦不怨不
嘆。無奈何輒棄去。尤喜塑佛像。刻方冊經。雖勞苦多
逆緣。亦不憚也。余性多躁。輕意怒罵人。生卒惟卓左
車。知余罵而復合。餘不知余性多傲。鄉先生或初濃
後淡。獨黃寓庸自傲。又喜余之傲。遂定為生死交。一時
負大名。善知識法師。雖先輩亦不稱門下士。其門下
多生毀謗。余亦任之。無顧忌之意。遇江湖破衲僧。則
視若弟昆。坐談無倦。或解衣衣之。推食食之。見貧病
人。悵然悲愍。有求即應。余喜種梅竹。躬傭作。晚年以
賣筍賣梅賣茶賣柴賣經。終其身。崇禎己巳孟秋既

望忽作寒熱。知幻軀不久。述其生平曰。自製塔銘。
清徐繼恩新伊法師壙志

師諱大真。號新伊。抗郡周氏子。父母皆先後修梵行。
師在襁褓。即知佛號。兒時聚沙為塔。能跏坐。蓋宿習
云。九歲依紹覺。覺故蓮池弟子。結庵土橋。曰蓮居。講
席甚盛。師依止之。親執勞役。灌汲樵爨。不得息。獨默
識經義。暫聞輒弗忘。頗有神解。一日覺坐文室。與客
推密部。師從壁間聽受良久。炊飯竟作糜。已忘之矣。
客去。覺問狀。師懼且竊喜。以實對。乃更從客進論。陳
說未盡。覺大契。知師固慧才也。十五受沙彌。二十八

雲樓受具戒。自是博窺三藏。參證諸宗。踞師座說法。
檐荷道風。人天瞻仰矣。顧烟撲無文。與人言。呐呐如
不出口。偃偻循牆。恐踰越尺寸。尤精戒律。內外如一。
每登壇秉戒。千人駢集。師穆然靜。遇望者。意消。及開
說。而詞志懇懇。使人汗霑沾衣。非辟自遠。師殆以身
教。執居恒禮懺。或修觀。歷寒暑晝夜。以為常。暇則搜
繹舊聞。手放闌。有論著。著唯識論。合響若干卷。行世。
凡三易稿。垂老不休焉。師優閑淡止。所居不踰十步。
瞑目返聞。自適己意。與物臨對。無遽色。疾言。懈覆之
餘。紛紜盡釋。未嘗厲情鎮之。而超然深永矣。庚寅秋。

微疾以七月二十五日沐浴易衣結跏坐持珠喃喃
不絕頻更化去玉筯垂尺許蓋前此七日名門人輩
示以期至有優婆夷夢天樂繚繞導師西去云自萬
曆庚辰十月十七師始生壽七十一僧臘五十二在
蓮居日多構直指大悲堂往來桐江吳門講法從游
甚衆後得本金鉞即今募塔奉師瘞者也塔在法華
山石人塢盡未來際當勿壞系以銘曰

師永劫不生滅任去來無法說

清徐自洙伯亭大師塔誌銘

師初名續法更名成法伯亭其字灌頂其號也仁和

亭溪人俗姓沈。銘曰：早失怙恃，九歲禮慈雲祖源為師。十六薙染，十七圓戒。二十參乳源德水法師，聽講楞嚴，宿慧駭羨。洞徹微旨，嘗論天台賢首之異同。乳峯曉以雲棲之說，言下大悟。遂走厲精，研四分律，開講於慈雲。兩修大殿，重建聖果。仁壽諸梵寺，康熙二十八年，主上天竺。聖祖仁皇帝南巡，幸寺，賜賚優渥。重修毘盧殿，閱十載，退歸仁壽。歲辛丑，上竺災，當事縉紳延師，重主興建。經營布置，規模畧成。雍正六年四月朔日，說偈辭衆，合掌趺坐，西向而逝。世壽八十八。僧臘七十九。葬法華山之陽。

清邵宗元 繼室徐儒人家傳

在塘樓西小河歸宅。乾隆間梁同書撰并書碑已
斷小楷。大丰漫漶。有孺人姓徐氏。德清少宗伯蘋
村公曾孫女。仁和常山教諭邵鶴田口口婦。文學
邵宗元字端貽之。繼室等句。尚可讀。

清國子監助教宗君家傳

儀徵阮元撰。梁同書書。
吳諫之重摹上石。

宗君名大樽。字左彝。號茗香。先世自河南來。居仁和
之塘西。祖載陽。父樹年。以君貴。贈如官。君惟孝友。喜
讀書。年二十。母陳太恭人疾。剗股以進。比長。精推步
兼三式之學。彈琴作畫。靡不精妙。年二十九。入京師。

充四庫館謄錄丁酉順天鄉試中式以館期滿議叙
府倅君不耐吏治請改國子監助教未及補丁外艱
歸服闋起補誠心堂助教甫一年即陳情乞歸養時
為陳太恭人知將止之都中友人亦多留之者君慨
然曰古人一日養不以三公易其可勸乎遂促裝歸
逮陳太恭人卒君亦歿四方之志矣其生卒善行如
建義學為粥食餓者皆人所共見而隱德不與焉暇
復徧游天台雁蕩黃山諸勝詩格益蒼大致宗太白
而樂府古辭力追漢魏嘗自定其稿曰傳者不在多
也尤好獎掖寒士而時與俗迕故俗人見輒避去嘉

慶九年甲子四月五日無疾卒於西湖寓舍年五十有九子二長咸熙縉雲縣訓導通經術次時熙杭州府學生員所著有學古集四卷牧牛村舍外集若干卷讀我書塾課本略八卷方言補正十二卷茗香詩論一卷校定爾雅新義二十卷

論曰昔陽城為司業引諸生告之曰凡學者所以學為忠與孝也諸生有久不省親者乎明日謁城還養者二十輩其後弟子何蕃入太學歲率一歸父母止之間一歲一歸然終閔親之老歸養於和州諸生不能止由是觀之養者人子所不能自己而亦古今之

所難也。若宗君者，其自處豈異於蕃歟？人又言君喜任世事，其經濟雖不克見於有施，昌黎所謂磨之水，其為澤不為川乎？若君者，又殆所稱積者多而施者不遐也。

傳為先王父小茗請謨於文達，請書於學士，泐諸家祠，以昭來許。垂五十年，丁太平軍之亂，竟付劫灰。吁，是惋矣。洎今，拓本流傳，大都散失。寒家幸存其一，初為我嗣考叔平公所藏。嗣考即世，先考季真公寶之，傳之印金，竊思所以垂久遠者，宜似壽之石。適遇金匱吳君讓之來滬上，爰請其重摹上。

石復還舊觀。度世子孫於先曾王父茗香公之嘉言懿行。永誌弗諼。而文達之文學士之書。亦足以徵文考獻云尔。宣統三年仲春之月。曾孫印金謹跋。

唐沈岫定山題名

右雲泉山水洞。吳興沈岫口元二年正月卅日題正書。左行三行。首行岫字下缺。次三行各四字。字徑一寸。考唐年號繫元字者。高宗上元。玄宗開元。肅宗乾元。德宗興元。貞元。則此書在元和諸題名前。

李幼清題名

在雲泉山水洞。睦州刺史李幼清。元和元年十一月廿九日。題二行。行九字。兩浙金石志。正書。徑一寸。

武儒衡題名

在雲泉山水洞。攝部園練。□□前國子監四門助教武儒衡。元和二年二月廿日。題。正書。左行五行。李夷簡題名。

在李幼清題名右。正書兩行。首行饒州刺史李夷簡。下缺。次行游。元和二年四月十二日。赴。下缺。字。

大者二寸餘，小者僅四分之一。

鄭敦禮題名

在雲泉山水洞，殿中侍御史內供奉鄭敦禮，元和二年五月七日，赴新定□□，正書左行，首行六字，次行五字，三行八字，末行定字下缺，大者徑二寸，小者四分之一。

盧鎮等題名

在雲泉山水洞，范陽盧鎮，元和四年十月廿五日，時鎮攝富陽令，鄭疇，裴損，後到正書四行，首行七字，次行九字，三行七字，末行二字，大者徑二寸，惟

月日字差小

李口舉等題名

在雲泉山水洞正書三行凡二十一字。監察御史李口舉杭州刺史曹全口試大理司直王口無年月所稱官秩皆唐制定為唐刻而浙金石志字徑一寸五分。以上均見定鄉小識。

宋許道孚定山題名

在雲泉山水洞內景祐四年口月二十九日吳門許道孚正書左行分三行斜書首行七字次行五字末行三字書法奇峻如虞永興

方翁題名

在雲泉山水澗左石崖方翁題名祠中六字正書左行大徑二寸許方翁為蘇舜元字蘇別於洞中一題名故標識於外然洞中之題無可覓矣西湖志千佛頭有方翁題名云皇祐元年此刻當亦其時所作

蘇文忠題名

在雲泉山水澗上石崖蘇軾子瞻四字正書年譜熙寧七年通判杭州正月游風水洞題名應即此時

在雲泉山水洞。新江西提點刑獄吳興陶定被旨
奏事。乾道庚寅夏六月癸亥來游。正書左行。分五
行。每行六字。末行二字。字徑寸餘。

趙忠定題名

在雲泉山水洞。開封趙汝愚為正字時。間艾軒口
風水洞寺口。口家也。九年秋七月解后同游。正書
分三行。行十字。次行中三字漫蝕不可辨。艾軒林
光朝字。閩人。風水洞寺即慈嚴寺。九年當屬乾道
癸巳。不書紀元支干。亦創文。

淳熙丁酉題名

在雲泉山水洞定□□□□敦同□山□勝概
自西□過□淳熙丁酉六□□□有五□□□
□必□□鄉□行書分五行每行八字可識數字
外雖隱隱有波磔痕究漫滅莫定也丁酉為淳熙
四年□兩浙金石志有李直卿題名不言所在亦
係淳熙丁酉季夏二十有五□似即此刻計四十
字數亦略同又何伯應等題名係淳熙丁酉十月
六日行書六行字徑一寸許計五十二字不言所
在附記於此

以上均見定鄉小識

明大塊一竅四字

定鄉小識在雲泉山水洞上石厓正書橫列洞上
欵署萬曆二十一年九月九日楚郢國人湯沐書
別一行湯沐安陸人由進士知錢塘縣事

宋趙伯衡題名

定鄉小識在定山趙伯衡牧仲游紹興己卯九月
十七日摩厓正書二行字徑寸餘

梁安世等題名

兩浙金石志在定山摩厓正書四行字徑一寸餘
梁安世次張鄭濤次山淳熙癸卯六月四日偕游

定鄉小識舊在曇山今已不可覓想為斲石者所損矣梁安世宣平人次山爵里無攷即當時築園亭於曇山者也

清虛洞天四大字

定鄉小識在曇山仙人洞內四字篆書大徑尺許紹熙三年夏五月癸巳刊十字一行正書不著名想為鄭次山輩所為 武林石刻記縱三尺四寸橫九寸

朱文公題曇山詩

定鄉小識在曇山棋坪石南側石壁凡二十字正

書左行二行，行十字。詩云：頽然見茲山，一一皆天作。信手銘巖壙，所願君勿鑿。錢塘縣志以下二句為起句，未知詩字左行也。

朱文公重游題名

兩浙金石志：紹熙甲寅閏十月癸未，朱仲晦父南歸，重游鄭君次山園亭，周覽巖壑之勝，裴回久之。林樾之，余方叔、朱耀卿、吳定之、趙誠父、王伯紀、陳秀彥、李良仲、喻可中俱來。凡六十二字。摩崖行書十六行，字徑二寸。

定卿小識在曇山仙人洞側，正書左行，共十六行。

行四字末行二字縱一尺四寸橫四尺四寸甲寅
為紹熙五年寧宗初立文公除煥章閣待制閏十
月十九日面對韓侂胄去寓居西湖靈芝寺癸未
乃是月二十六日南歸蓋歸閩也

雲泉靈洞四大字

定鄉小識在雲泉山風洞下大石壁篆書分二行
行二字大徑丈許款字皇祐庚寅元居中篆院僧
中信命蔡才院僧口立十九字一行正書兩浙金
石志字徑三尺

祖魚擇等題名

定鄉小識在雲泉山風洞下石壁祖無擇沈振元
居中張先熙寧己酉孟秋晦日偕游篆書五行行
四字大徑八寸 武林石刻記縱橫三尺三寸八
分書

周之祥等題名

定鄉小識在雲泉山風洞下元祐癸酉八月二十
一日周之祥履中何志同彥時黃策子虛來游正
書左行分四行首行八字次行七字三行六字末
行五字 兩浙金石志字徑二寸餘

蘇文忠佛日題名

咸淳志東坡題名祖志入山之十三日述古赴南
都率景山達原子中子瞻會別於此熙寧七年八
月十三日三十五字

范成大跋右文忠倅杭時送客至佛日山寺壁間
所題今年十五往來山中常與舉上人游居其下
後三十九年舉欲白縣公勒之石余亦自蜀道東
歸因勸成之淳熙丁酉嘉平月吳郡范成大書舉

上人名慧舉字舉直姓朱氏頗能詩見固必大南歸錄周必大跋佛日淨慧寺

在桐扣黃鶴峯下寺中有池池有瀝注泉東坡先
生嘗賦五絕句所謂細泉幽咽走金沙者堂上留

題今既百年而詩僧慧舉乃謀入石可謂好事矣。桐扣以張華得名俗云桐口非也。淳熙五年正月九日東里周必大書。

韓元象跋元象備數知仁知之三月以公事過臨平聞桐扣佛日寺有東坡先生留題肩輿往觀焉。字在法堂東壁。蓋熙寧七年先生倅杭日太守陳公自杭守來先生與諸公會別於寺所題也。先生其年三十九歲。熙寧甲寅距今淳熙戊戌又百有五年。堂宇日壞壁且摧剝字將闕蝕可為歎惜。因命工摹勒而移之石庶幾可以永其傳云。淳熙五

年三月十日奉議郎知仁和縣事、潁川韓元象題
張子履鄒志完陳瑩中等佛日題名

咸淳志在相和佛日寺、紹聖丙子二月五日、口峴

子履志完瑩中明遠坦然、口口瞻禮懷禪師塔時

赴南昌郡三十三字、淳祐己酉、知縣李從命、寺僧

模以入石、跋云、物境之勝、因人而无勝、如東西二

林、得平原公、上下兩竺、得眉山老、皆與佳客同游、

復親題名字於碑巖之上、好事撫拓、以為雅玩焉、

是邑佛日精舍、有紹聖三年、張子履所題、版壁、遠

今猶存、同與游者、鄒道卿、陳了翁、趙明遠輩、若夫

鄒陳之賢。眠前二公何慊哉。主僧本倅指以事。予因浼壽諸石。子履名綬。是年以朝奉大夫帥鐘陵。明遠名士陳嘗以清遠軍留後知南外宗正。有詞集行世。坦然則未詳為何人所缺三字。峴字之上必去字爾。

翼拱之臨平細礪洞題名

臨平記。右洞中翼拱之。凌晨游此。時康定元年四月八日。又洞西南有竇絨二字。無年月可考。亦不解其意義。

明祈年二字

康熙仁和志細礪洞俗名旱洞萬曆間太學生郭紹孔刻祈年二字於其上臨平記卽紹孔鑄祈年二字於洞上為里人每四月八日於此洞占歲之豐歉也

宗天宮寶藏四字

臨平記補遺周必大南歸錄佛日輪藏刻天宮寶藏四字相傳元祐四年東坡出京師時所書

海雲洞三字

唐樓志在超山摩崖正書大徑尺許郡守趙清獻書又對面行書卧龍淵三大字無款識年月

案海雲洞三字下疑有二十八字中大夫試尚書
兵部侍郎兼同修國史實錄院同修撰樞密都承
旨趙書趙字下空一格不題名宗史趙清獻擢參
知政事乞去位拜資政殿學士知杭州改青州以
大學士知成都乞歸知越州復徙杭州以太子少
保致仕與此異疑非清獻也

元山舟二字

臨平記在臨平山水谷泉亭上貫雲石書

明洛山石刻

萬曆府志洛山石壁有倪乾錫銘於上云洛山之

顛有仙居焉。烟飛丹竈煉石補天。又曰洛山聯壁。
崑崙未脗造化。毓成擎天柱石共三十二字。不著
時代。

案此見萬曆志。故列於明代。

安平泉三字

臨平記在安隱寺。萬曆間太學生郎紹孔錫安平
泉三大字。

宗東坡墨竹賦

錢塘縣志下層刻畫竹上層刻墨竹賦在皋亭山
崇恩院

明刻趙清獻詩

唐樓志在海雲洞嘉靖中丁之喬摩崖刻趙清獻
海雲洞詩後附丁養浩次韻詩又丁之喬沈望雲
二詩

清彭剛直梅花詩

在超山大明堂彭玉麟超山梅花詩駒光底事暗
催人六十年過又七春且向禪林參妙喜漫呼明
月問前因江湖未醒夢中夢天地空留身外身德
薄幸能修到此萬梅花裏過生辰曲園居士俞樾
書光緒二十四年秋

民國二十二年二月大明堂為盜焚石燬拓本存
明摹刻吳道子畫觀音像

唐樓志在越山大明堂正統十年乙丑夏四月前
進士盱江章文照跋云吾南城邑大夫武林邵侯
孟津輝治政之餘顧謂予曰往歲歷政部司掣家
京師嘗切慕觀音大士多獲靈感既再調茲邑間
過天寧禪寺伏觀石刻觀音像乃唐道子筆極為
精妙神氣儼然真如普陀落迦山示現之身遂用
印打一幅裝潢偕室人宗氏日加禮敬既又捐俸
購一堅珉命工摹刻願同四方善信瞻禮永遠流

傳用答鴻麻幸為記之予不敢辭遂書之以紀歲
月云

碑陰刻清康熙三十五年仁和知縣張禁入山抽
稅告示

聖帝像

武林訪碑錄在小和山萬曆丙戌都鐘募

金文

宗福王銅印

臨平記再續民國二十三年甲戌夏旱塘棲農人於福王莊基洗馬池中掘泉獲此當為福王遺物文曰祥符開國以宗三司布帛尺度之一寸七分正方篆文相疊猶存宋官印體制今歸姚氏景瀛家

明慈嚴寺銅鐘

定鄉小識在慈嚴寺正統十二年山陰清化山寶嚴寺比丘惠瓚募鑄四面正書字徑五分按款識

乃越中物重大非可肩挈何遂得至慈嚴殊莫能測豈惠璣初本越僧後嗣法慈嚴猶蒙初號耶今以在慈嚴久錄諸下闕

慈嚴寺銅照

定鄉小識在慈嚴寺文曰慈嚴寺住持僧宗智檀越鄭彥章大明成化二年冬月吉日三行正書字徑寸

西渡庵銅鐘

在東江渚西渡庵見定鄉小識

慈嚴寺鐵磬

萬曆三十三年鑄。銘文正書十六行，字徑五分。今在靈山新廟，不知何時移入。

大湖廟鐵鼎

在大湖廟。信士張崇、男張盛、張慨、孫兆麟、兆虬、兆熊供立。萬年烟火，祈保一境榮昌，吉祥如意者。明天啟丙寅年，正書十三行，字徑五分。

大湖廟鐵燭臺

在大湖廟。信士張斯文、弟□□、母鄭氏、妻□氏、媳繆氏、姪□□、耀光、煜光□□、人口正書五行。信士張□□□□正書兩行。

古泉類編卷之三十一

大湖廟鐵瓶

在大湖廟信士張□□□母□□□配□□□□
□□□□□正書五行字徑五分

靈山鐵鼎

在靈山新廟杭州府錢塘縣安吉鄉□□里喜捨
信士□應全□□□□祈保□□吉慶人眷平安
福有所歸家□□□□□□□□□□□□□□
□□正書十四行自鐵燭臺及此年月浸漉大約
明物也

以上均定鄉小識

安隱寺鐘

在臨平安隱寺志萬曆二十二年閏九月鑄沈謙
鑄鐘詞安平寺前人如林洪鐘高峙青山岑百夫
併力天風急江潮夜吼蒼龍吟須臾大舉若鳴鼓
銅精上結為白虎山亭靄靄紫霧橫沙樹蕭蕭綠
雲吐扶蠡液走如長虹魯般公輸用力同靈芝大
鶴炫奇色巖危驚覩燕支紅丹梯巖葉凌飛閣輾
轆千盤鳴鐵索一聲盡識江南曉落日疏星噪寒
鵲

清海塘鐵牛

海塘通志雍正八年乾隆五年四十九年三次鑄造鐵牛共十五座每重三千斤名鎮海塘鐵牛有六座安置范公塘一帶餘皆在海寧境海昌叢載云鐵牛背有銘曰惟金剋木蛟龍藏惟土制水龜蛇降鐵犀作鎮奠寧塘永慶安瀾報聖皇錢氏泰吉游尖山記云鐵牛背又有監造官博士鳳六字案范公塘一帶杭縣境也歷劫之後海寧尚存四座在杭縣者不知猶有存否俟考

民國

宋梅亭記

十二年癸亥十二月烏程周慶雲撰書在
趙山二十二年春報慈寺火燬其子周口

刻重

重修奉口斗門記

二十二年十一月童第德撰
王廷揚書俞長霖篆額

錢塘沈六姑墓表

在西溪花塢口六姑殉洪楊難二
十二年二月錢塘孫智敏撰書

木身二一和一身二二二

二二二

周夢坡慶雲宗梅亭記

超山在仁和縣東北六十里。距唐樓六七里而遙。唐樓志載山中多梅花。中無樺樹。有南宋古梅花時。游人極盛。又載報慈寺即大明堂。有古梅百本。皆宗時所植。寺有三友居心齋。香海樓諸勝。予心嚮往之。以人事歷碌。未暇蠟屐也。今年正月下浣。予作虎林之游。姚子虞琴約探梅山中。出候官林。琴南畫超山梅花記為先路之導。更約汪子惕予。王子綬珊。錢子治香。戴酒往游。至唐樓宿焉。詰朝則挈小舟緣樓溪行。灘淺水清。游魚可數。約二三里。沿岸皆梅。移時見小

橋遂維舟登坐筍輿。達山麓。峯迴路轉。便得報慈古
寺。有樓翼然。即香雪海是也。樓前環植老梅數十本。
中有一樹橫斜。交枝垂地。支以石柱。幹裂一孔。皮類
龍鱗。落花斑駁。幻作青綠。寺僧指點告曰。此宗梅也。
餘樹亦皆老幹。紛披相傳。明代分本色。暈淺絳瓣。或
六出。非他卉所有。徘徊花下。不勝望古遙集之思。因
語同游。擬構亭其旁。乞安吉吳缶廬繪宗梅小影。勒
石紀之。以張韻事。僉曰善。既出寺。則山南山北二十
里。弥望皆梅。恍置身衆香國中。倘雪月之夜。携尊酒。
坐花下。定有縞袂仙人下降也。夫梅之見諸篇什者。

若孤山若羅浮若鄧尉騷人墨客詠之夙矣羅浮吾
不敢知鄧尉香雪不過數里孤山無論矣况萬花之
中賸此冰雪之姿野火不能摧風霜不能蝕殆以是
見天地之心乎予自辛亥因變散髮扁舟俯仰局脊
抑鬱誰語今撫是梅滄桑萬感逆集於中烏能自己
亭之成也湯子綬珊寶助焉因撮其大畧為之記時
癸亥十二月烏程周慶雲

又記並刻聯句於石柱聯云與孤嶼萼綠花同聯
眷屬賸越山冬青樹共閱興亡

癸亥仲春偕湯子綬珊遊越山訪宋代老梅議建

亭以張之令落成即以宋梅名其亭虬枝有靈得毋嗟為多事乎是歲長至日夢坡居士識

重修杭縣奉口斗門記

鄞童第德撰

金華王廷揚書 黃巖俞長霖篆額

苕溪水自餘杭來橫貫縣之西北境四十里經德清

吳興二縣蜿蜒以入太湖水所從來者高入縣境乃

行平地易橫溢為敗居民往往築塘捍之所謂西險

大塘也塘置斗門歲以時啟閉灌溉農田如是者七

十有二而奉口斗門為最大永嘉葉君嘯谷來長縣

巡視其地曰此工不治逾四十年不幸而潰決水南

泛者治武林門民其魚矣飭匠估計需白銀萬八千

請於有司得八千金不足以縣賦六千益之又不足
募之於民以令歲三月興工或曰桃花水且至盍少
待君曰吾非不知此然前工旦暮傾圮即無蓄猶虞
不保奈何視其敗而不先為之所乎乃排衆議行之
未幾水果大至君冒雨立堤上督民裹土塞決口與
水爭命於頃刻之間水竟不得逞閱九月功成堅緻
牢固觀者皆太息以為足支數百年也始君嘗興修
永泰慶山六十六鄉濱水圩堤六萬六千三百六十
三丈至是又成斗門工尤鉅諸父老屬余為之記余
頃者方佐君共治縣之財政習聞君之行誼君勤於

理民常出入田里教民育蠶植棉如是則可以致富不如是則否推其已驗者行之民悅而化以為賢侯不我欺也治盜嚴誅其魁首宥其脅從盜不敢發發輒捕得如神值歲蝗晨夜率農夫撲殺之凡殺蝗若干萬斤書史所載古循吏之撫養百姓者皆勉力行之勿怠他日者政成民和縣之人方將尸祝君於浮屠老子之宮以永君於不朽令茲之役特其設施之一端耳亦足以觀君之政矣

是役也浙江水利局科長王鏡清杭縣建設科長賴法元工程技術員項亨區長華玉堂縣人士汪瀾勞

動餘沈心田、樂伯翎、姚福昌、姚濟人、勞篤祐、姚同有、
吳鼎、俞友梅、馬波、孫郭寶泉、金應秋、沈瑞田、童如聖、
張兆億、王有財、宗鶴齡、王茂財、莫學勤、李子卿、王輔
卿、馬標華、莫名欽、曹蓮溪、施慶南、唐萬年、俞良記、馬
佳林、丁連所、沈東欽、顧舜年、梁元淳、傅芸軒、龐鉦、鉞
沈嘉宗、陳繼甫皆共其勞，例得附書。

中華民國二十二年十二月

吳縣劉鈞良仲全鑄

錢塘沈六姑墓表

共和紀元二十二年距洪楊軍之攻臨杭城七十四

年錢塘舊史氏孫智敏因邊君華桐之言得聞西谿沈六姑之貞孝及其死難之烈惜其湮沒爰表其墓以慰泉壤亦區明風烈之義焉姑姓沈世居錢唐西谿龍駒塢姑母目盲寢蓆櫛繼惟姑是賴姑矢志守貞奉母洪楊軍入浙所在剽掠姑負母避深山洪楊軍復搜得之覩姑年少逼之姑力拒與之搏遂被刃而全其身嗚呼世之敝也名教既衰不聞風烈士行且墜遑論婦女貞孝烈行如姑而其名不彰司風教者之責亦文人學士之羞也夫洪楊一役之死難者前哲亦極意搜訪旌揚如例讀杭女表微錄錢塘烈

女載沈六姑而不舉其事蹟或者別為一人今邊君
華桐娶於沈姑之侄孫婿也知其事甚悉并謁其墓
遂命工采石立于墓前表潛德發幽光亦以勵俗信
而有徵矣姑之墓在西谿花塢口與父母合葬焉歲
在昭陽作噩仲春之月前翰林院編修孫智敏書